







S. VIII. 33.

TAMHAIA

Festivitati Nuptiarum,

*Reverendi doctissimiq; Viri,***DN. JOANNIS
STOBELOVII, Eccles.****Pamrenstorphianę & Gustovianę****Pastoris dignissimi, Sponsi,***Et lectissima pudicissimęq; Virginis***REBECCÆ,***Integerrimi Olim & Conspicui Viri***DN. NICOLAI TABBERTI,****Civis & Mercatoris Sedinensis so-****lertissimi Filia relictę,***Sponsę ejus carissimę,***scripta ab Amicis,****STETINI,****Ex Typographico GEORGII GOETSCHII,****ANNO 1631.**



Asmodeus ad Dominum Sponsum.

Hespiades fuge, nec Sponsus sis, irrita sumas.
Gaudia, nec castum duc tibi melliculum.

Idem ad Sponsam.

Dispereas cito, nec conjunx sis, turpia corde.
Dilige, nec letum sit tibi connubium.

Raphael ad Dominum Sponsum.

Melliculum tibi duc castum, nec gaudia sumas.
Irrita, sis Sponsus, nec fuge Thespiades.

Idem ad Sponsam.

Connubium tibi sit letum, nec dilige corde.
Turpia, sis conjunx, nec cito dispereas.

*Omnia simul fausta ac salutaria
ex animo comprecans, ita
ludebat.*

STEPHANUS KNICKENBERGIUS
Rostoch: Megap:

Omnia

Omnia qui primum verbo spirante creavit,
Hunc morem in cœtu gaudet servare piorum,
Ut quos scit Regnis transcriptos esse beatos,
In mundo teneat quoq; sub cruce pondere duro,
Aurum ceu nitidum quo sic rite igne probentur.
Sed Pater ille bonus crucis bos submergit undis
Haut patitur, nova dum parat illis gaudia rursum.
Exemplar clarum tu præbes ipse JOHANNES.
Tristis enim quoq; te crucis hic afflixit amor,
Dum rapuit Deus uxorem de limine charam.
Gaudia sed sentis post Fletus blanda redire,
Atq; ligasse Deum vulnus, quod corde fovebas,
Dum tibi selegit Nympham de sanguine claro,
Quæ Thalamum decoret castum, curasq; repellat
Ex animo, & possit tecum tolerare labores.
Ex summis ergo cordis penetralibus opto,
Prosperet ut vestrum, sancti qui fœderis Autor
Conjugium bene quod crescatis prole bonisq;
Nec non Nestoreos vivatis suaviter annos.

Gratul: E.

Johannes Madevvius,
Arnſ Wald: Neomarchita.

CRescere non aliundè datur, nisi luce supremâ.
Nam nisi JHOVA rigat, certè aridus est ager omnis.
At si JHOVA rigat campum, rectèq; secundat,

Facilis & florens existit tunc ager, omnis.
Sic quoq; munificus rutilantis Rector, olympi;
Campum quàm largè vestrum irriget atq; secundet;
Proferat ut fructus lætos & semina multa.
Vivite felices, optatam ducite vitam;
Sit socialis amor faustus, dum sidera fulgent.
Floreat in thalamo pax & concordia vestro,
Et procul è tecto discedat tetrica rixa.
Hoc precor, hoc opto, votis hoc omnibus oro.
Christe fac, optatis insint ut pondera nostris.

*Grata & parata mente:
appos.*

Andreas Müllerus,,
Wildenb. Pom.

Non AMOR esse potest major, quam si Deus arctò
Conjugij nexu feruida corda ligat.
Nec DOLOR esse potest major, quam si duo corda
Concordis thalami mors inopina secat.
Sensisti satis hoc, STÖBELOVI; dum tua CONIUX
Amisit vitam morte perempta suam.
Ac si dissectum strictò mucrone fuisset,
Credo, maritæ obitum cor lacerasse tuum.
Sed tibi Cunctipotens magno cum scœnore raptum
Tempore præsentis restituisse parat.
Dum jungit lateri pulcræ inuuptamq; puellam,
Quæ casta laudem virginitatis habet.

O quam

O quam fausta dies, albo signanda lapillo!
 Quâ, VIR DOCTE, tibi costa venusta redit:
 Costa venusta redit verâ non laude secunda,
 Qua rectè sobolem, qua reget arte domum.
 Qua te, Luna velut Solem, suo amore sequetur:
 Qua te consilio, quæq; iuvabit ope.
 Plaudite igitur, JHOVÆq; refer modulamina laudis,
 A quo cum SPONSA provenit omne bonum.
 Plaudite domus, quoniam tibi non injusta noverca,
 Sed dulcis vultu menteq; mater adest.
 Gratulor ergò tibi toto de pectore, SPONSE,
 Quod venit in thalamum SPONSA pudica tuum:
 Cum qua suscipias lætum certamen amoris,
 Ut tibi progeneret pignora cara tori.
 Atq; quod ex animis foveo, vivatis uterq;
 Nestoreos annos, & procul absit Eris.

Debiti honoris & Congratulationis
 ergò scripti:

Heinricus Knochius,
 Lötzens: Pom:

UINDIqVe beLLa sonant: en regnant Mars-
 qVe VenUsqVe,
 Atq; alios aliter sub sua signa vocant.

Horrida bella parat Mavors: sed bellula bella
Cypria, blanditijs quæ sua bella gerit.
Non tibi, Strevlovi, Martis sunt prælia curæ,
At face sub Paphiâ te recreare cupis.
Sed metuo, ne, dum fugis aspera spicula Martis,
Incidere in Veneris deteriora queas.
Quos etenim superare nequit Mars impius armis,
Mellitis vincit Cypria blanditijs.
Ergò, quid incipies? captum te cernis amore:
Victus es: ô victas porrige, Sponse, manus!
Funde preces: sponsam justo, quam ducis, amore
Prosequere, & constans disce ferenda pati.
sic VICtUs VInCes: tUa sic ConnUbla flent
MeLLea: Summipotens sic bona quæq; dabit.

Samuel Müllerus, Ruppinas
Marobicus.

Epithalamion.

N Aucleri mores sequeris, Doctissime sponse,
Qui, quamvis semel ac iterum mala tristia passus,
Non tamen indomitis dubitat committere ventis
Vela, & magnanimus, lucri percussus amore,
Infestum pelagus celeri percurrere navi.

Sic

*Sic, mi sponse, facis. Quamquam perpeffus iniqua
Bata semel, dum Morta furens te conjuge dulci
Privavit: Tamen amiffa conforte pudicâ,
Rursum vita oneri fubdis tua colla prioris.
Sponfa onus est tibi dulce: Hanc ipse medullitus ardes:
Hec tibi sola placet: Cunctis præstantior hæc est.
Nec [credas Neonymphe] oculi, dum hanc eligis, errant:
Namq; est digna viro virgo, pudibunda, venusta,
Et virtutis amans, litiq; adversa, fidelis.
Ergo fufceptum fer onus: fic viribus addet
Robur lörab: Aderit domui benedictio vestræ:
Sic vos ditabit Dominus: fic prole beabit.*

*Amoris & Honoris
ergò facieb.*

*Israël Müllerus Rupp-
nensis Marchicus.*

Fœdera quid thalami cesses renovare sacerdos?
Fulmina num papæ, crux, Satanasq; vetent?
Christigenis nescis valeant quod nulla nocere
Non modò sint contrà facta patrata DEUM?
Ergò pium dextrò conamen numine coeptum
Perfice, ver, cleres, jussa; diva jubent.

Perfi-

Perfice, pone metum, succedent omine fausto
Cuncta, Ceres terræ numera larga dabit.
Alma tibi thalamus sit fælix prônuba Juno
Faxit, teq; patrem prole, quiete beer.
Hoc voveo: Vobis præstò sit ab æthere Jova,
Et faciat feros vos numerare dies.

Theodorus Schambach.

FINIS.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

